

Aretxagazeta

ARETXABALETA / Egubakoitza / 2005eko ekainaren 17a

385. zenbakia

KOORDINATZAILEA: Mirari Altube • Durana 11 ARETXABALETA 20550 • Tel.: 943 79 86 21 • Faxa: 943 77 18 54 • Posta elektronikoa: aretxagazeta@goiena.com • Lege gordailua: 55378/94

ELKARRIZKETA

GABRIEL ELORRIAGA/MEDIKUA

“Bostetatik aurrera ez ditugu larrialdi kasuak hartzen medikua egon arren”

MIRARI ALTUBE

Osasun etxeko zerbitzuek hainbat aldaketa izan dituzte azken hilabeteotan. Gabriel Elorriaga medikua da Aretxabaletako osasun etxeko arduraduna, eta aldaketok argitu gura izan ditu, gaizki-ulerturik egon ez dadin.

Aldaketak daude osasun etxean, ez?

Bai, beste mediku bat daukagu Aretxabaleta eta Eskoriatza osatzen duten osasun etxeetan. Aretxabaletan bi mediku daude 08:00etatik 15:00etara lanean; beste bat 10:00etatik 17:00etara, eta orain sartu denak 15:00etatik 20:00etara egiten du lan.

Hortaz, arratsaldean ere zabalik dago osasun etxea...

Bai, mediku bat lanean dabilelako bere gaixoeekin, baina horrek ez du esan gura larrialdiak hartzen dituenik. 15:00etatik 17:00etara bitartean bakarrik hartzen ditugu larrialdiak, bai medikuari, bai erizainari dagozkienak; hortik aurrera ez. 20:00ak arte dagoen medikuak hitzordua duten bere gaixoak bakarrik hartuko ditu.

Eta 17:00etatik aurrera zer?

Larrialdietarako beste zerbitzu batzuk daude 17:00etatik aurrera: Medicaldom etxera etorzen den zerbitzua eta Arrasateko ospitaleko larrialdi zerbitzua.



M.A.

Eta pediatriako zerbitzua?
Lehen bezalaxe 15:00ak arte izango da, eta larrialdi kasuak Arrasaten hartuko dituzte.

Zela banatu dituzue gaixoak mediku berriarekin?

Osakidetzak banatu ditu, lehen geunden medikuok gaixo gutxiago izan eta zerbitzu hobea emateko asmoarekin. Lehen 2.400 herritar genituen bakoitzak eta orain, 1.600 inguru. Ondorioz, gaixo batzuei medikua aldatu die eta arratsaldera pasatu ditu.

Kexarik jaso duzue aldaketa horien erruz?

Bai, 20 erreklamazio jaso ditugu apiriletik hona, eta guztiak erantzun ditut. Ez zait iruditzen asko direnik; izan ere, medikua aldatzea ez da batere gustukoa askorendako. Pazientzia izateko eskatuko nuke eta aukera bat emateko mediku berriari. Sei hilabete itzarongo ditugu zerbitzua zela doan jakiteko eta gero aldatu egin gura duenak eskaera egiteko aukera izango du. Hala ere, guztion onerako dela aldaketa gaineratu gura dut, eta zerbitzu hobea emateko asmoarekin egin dugula.

Parrokiako organoaren mendeurrena da aurten

M.A.

Parrokiako organoak 100 urte bete ditu. Fernand Prince frantsesak bere izenarekin eraikitako bakarra da, eta organo handien mailarik ez badu ere benetako bitxia da. Egoera onean egon arren konponketa batzuk behar ditu, eta iraillean hasiko da Azpeitiko enpresa bat horretan.

Mendeurrena aitzakia hartuta Andre Mariaren Zeruratze parrokiako organoa konpondu egingo dute. Izan ere, tresna benetan bitxia daukagu gure parrokiaren.

100 URTEKO BITXIA

Cavaille-Coll organo famatuaren muntatzailea izan zen Fernand Price frantziarrak eraiki zuen. Azkoitiko organo-jole izandako Jose Izurrategik idazlan baten jaso zuen Pricek zelan egin zuen lan muntatzerakoan. Donostiako Santa Maria elizan edo Loiolako base-

lizan daukaten organoen mailarik ez du, baina Aretxabaletakoa ere gorde beharreko bitxia dela adierazi dute ikertzen ibili diren adituek.

KONPONKETA LANAK

Organoak mekanika transmisio bidez dabilizan bi esku-teklatu ditu, eta bakoitzak 56 nota dauka. Beste 30 nota, ostera, pedalaren bidez jotzen ditu organo-joleak. Jotzen den tekla bakoitzak, gainera, 11 hodi mugiaraz ditzake.

Egoera onean dago organoa, baina konponketa batzuk behar dituela frogatu zuten Foru Aldundiko teknikariek. Hala, iraillean hasi eta hilabete biren buruan egingo dituzte lanak parrokiaren bertan. Lanon aurrekontua 13.340 euro da, eta aretxabaletarren laguntza eskatu du parrokiak. Proposamena ere egin dute: 142 tekla izanik bakoitzeko 60 euro ematea. 8.520 euro jasoko litzukete modu horretan, eta gainerakoa beste dirulaguntza batzuen bitartez estaliko dute.

LABUR

Andramaixetarako Esaldi Lehiaketa 13 urtetik gorakoendako astelehenetik aurrera

Esaldi Lehiaketa antolatu dute Kultura Sailak eta Prebentzio Zerbitzuak Andramaixetarako. 13 urtetik gorako aretxabaletarrek gura beste esaldi aurkez ditzakete astelehenean hasi eta uztailearen bitartean. Udaletxean edo kultura etxean jasoko dituzte esaldiak, eta uztailearen 6an emango dute saridunen zerrenda. Andramaixetako egitarauan erabiliko dena asmatu duenari 100 euro emango dizkiote eta pegatinak egiteko erabiliko dituztenen egileei 50 euro.

n
a
r
e
n

FISIOTERAPIA
ZENTROA



**Masajeak
Osteopatia
Fisioterapia
Etxez-etxeko zerbitzua**

Hainbat aseguru-etxeekin lan egiten dugu.

Belorrieta auzoa 5, behea
ARETXABALETA
943 08 21 89

Fisioterapeutak:
Nagore Llodio eta Miren Maiztegi

FARMAZIENTXANDA

ZAPATUA, 11
FRAILE.Herriko Plaza, 10.. 943 79 21 99

DOMEKA, 12
FRAILE.Herriko Plaza, 10.. 943 79 21 99

TELEFONOAK

OROKORRAK

Almen	943 71 49 07
ARETXAGAZETA	943 79 86 21
Faxa	943 77 18 54
Basotxo	943 77 09 81
Euskaltegia	943 79 21 68
Gizarte laguntzailera	943 71 18 62
Industrialdea	943 79 62 80
Institutua	943 79 79 00
Kirol etxea	943 71 26 28
Kultura etxea	943 71 10 27
Gazteria salla	943 71 10 27
Kurtzebarri Eskola	943 79 00 49
Kurtzebarri BHI	943 79 57 40
KZGunea	934 79 94 44
Liburutegia	943 71 18 62
Loramendi EE	943 77 09 70
Ludoteka	943 79 05 81
Mankomunitatea	943 79 30 90
Murruxko ME	943 79 93 74
Musika Eskola	943 79 36 50
Osasun etxea	943 71 19 59
Otalora	943 71 24 06
Parrokia (bulegoa)	943 79 18 42
Pausoka Haur Eskola	943 77 03 77
Postetxea	943 79 28 31
Basabeazpi Ikastola	943 71 21 18
Taxi geltokia	943 77 12 64
Udal Bulegoak	943 71 18 62
Udalitzaingoa	943 71 18 63
Urats Gain	943 79 99 11

UDALITZAINGOA

Arasate

LARRIALDIK

SOS Deiak	112
Eskualde Ospitalea	943 03 53 00
Ertzaintza	943 79 71 99
Gurutze Gorria	943 76 55 76
Larrialdik	943 46 11 11
Suhiltzaileak (Oñati)	943 78 28 00
943 46 11 11	
Suhiltzaileak (Oñati)	943 78 28 00



ARTXIBOA

Herritarrek suaren inguruan batuko dira antzinako usadioa gertutik jarraitzeko.

Dantzak eta sua, San Juan bezperako usadioak

M.A.

San Juan bezperako usadioek sustrai sakonak dituzte gurean, eta udako solstizioari ongietorria egiteko egitaraua antolatu du Kultura Sailak. Dantzak eta sua izango dira protagonista magiaz betetako gauean. Santa Ageda mutilek, zela ez, tantaia jasoko dute gauerdien bueltan.

Antzinako erritoei gaurko bizi-moduarekin egingo dute bat San Juan bezperako gauean. Udako solstizioari ongietorria egitea da helburua; era berean, sorginkeria eta txarkeriak sutan erre eta bizitzari egiten zaio dei.

GAUEAN, SUA ETA TANTAIA

Kultura Sailak gertu dauka egitaraua ume zein nagusiok ondo pasa dezagun San Juan bezperako gauean. Arratsaldean, 18:30ean, Loramendi Dantza Taldeko eta Leizarra Musika Eskolako kideen emanaldia izango da Herriko Plazan; eta buruhandiak ibiliko dira gero, kalean. Magiaz betetako gauari hasiera emateko dantzaldia egongo da Haitzama taldearen eskutik. 22:20 inguruan, San Juanetako zortzikoa egingo dute dantzan Loramendi Dantza Taldeko dantzariak. 22:30ean San Juan sua piztuko dute, eta gauerdian inguruan tantaia jasoko dute datorren urtean Santa Ageda mutil izango direnek.

Loramendi EEk lorategia txukunduko du auzolanean

M.A.

Loramendi Euskara Elkarteak lorategia dauka lokalaren atzeko partean. Belarra besterik ez du orain, baina zuloa egin, txukundu eta hitzaldiak egiteko lekua jarri gura dute elkarteak kideek. Horretarako, baina, herritarren laguntza behar dute, auzolanean egitea da-eta helburua.

Loramendi EEk auzolanerako dei egin die herritarrei. Helburua da elkartearen atzeko partean daukaten lorategia txukundu eta erabiltzeko moduan jartzea. Astelehenean, ekainaren 20an, hasi gura dituzte lanak; hortaz, lanari beldurrik ez diotenek Durana 11ko lokalera hurrera daitezela.

HITZALDIK EGITEKO LEKUA

Lanei Udaleko Hirigintza Saileko teknikariek egingo diete jarraipena, Loramendi EEko kideek koordinatuko dituzte eta herritarrek izango dira auzolanean ibiliko direnak. Sei laguneko taldeak egitea da asmoa, 18:00etatik 21:00etara bitartean lan egiteko. Ekainean hasi eta uztailean bukatu gura dituzte, oporrak hartu aurretik. Hori bai, lan handia dago egiteko: belarra moztu, lurra kendu, zuloa egin eta hitzaldiak egiteko moduko anfiteatro txikia jarri.

Loramendi EEko kideen esanetan ez da ezer ekarri behar; go-go eta indarra, besterik ez. Astelehenean bilera egingo dute lanok antolatzeko; hortaz, beldur barik hurrera dadila jendea.



M.A.

Erabilerarik ez daukan lorategia txukundu eta hitzaldiak egiteko lekua jarriko dute.



Propaganda
Kartelak
Jai egitaldiak
Pegatinak
Liburuak
Errebistak

EGUZKIGRAF

inprimategia

Aretxabaletako Industrialdea F-0-4

20550 Aretxabaleta

Tfnoa: 943 791 844 - Faxa: 943 792 941

E-mail: info@eguzkigraf.com

ARQUERO
CONSTRULAN S.L.

ERAIKUNTZA ETA INDUSKETAK

Tel.: 943 79 01 51
Basabe poligonoa 4, EQ-11 • ARETXABALETA

Zuzendaria:
Lyonel Arquero

Dekorazioa:
Soraya Arquero

SANER

ITURGINTZA

Nafarroa 8, 2-A
ARETXABALETA
943 79 64 91
605 71 66 92 / 629 47 72 70

Karlos

Starakiua

Santa Kurtz 5
Tel.: 943 71 25 54
20550 ARETXABALETA

ANDRA MARI
Aholkularitza

- Fiskala
- Kontablea
- Juridiko/laborala

Andra Mari Auzunea 3
ARETXABALETA
Tel. 943 79 29 26

LABUR

Alebin mailako gaztetxoek finalurrekoak eta finala jokatu dituzte bihar, Ibarra

Hamaika urteko Debagoieneko 200 neska-mutiko inguru elkartuko dira bihar, zapatua, Ibarra futbol zelaian. Leintz Eskola Kirolak antolatuta dagoeneko bost jardunaldi jokatu dituzte, eta bihar, finalurrekoak eta finalak izango dituzte. 09:00etan hasi eta 13:30era bitartean partidu ugari izango dira ikusgai.



Sari bi jaso zituzten karate jokalariek

Klub arteko III. Karate Txapelketa jokatu zuten joan zen aste bukaeran Arrasaten, eta Aretxabaletako karate jokalariek sari bi jaso zituzten. Oxel Vazquezek lehengo postua lortu zuen 6 eta 8 urtekoen artean, eta Julen Lozanok bigarrena 9 eta 10 urtekoen artean. Odilo Vazquez entrenatzailea pozik zegoen emaitzekin, eta eskatu zien halaxe jarrai dezatela lanean. /M.A.

Masaje zerbitzua eskainiko dute Udaleko Kirol Zerbitzuek


M.A.

Masaje zerbitzua jarri gura dute abian Udaleko Kirol Zerbitzuek. Kiroletako masajeak, terapeutikoak, erlaxagarriak... baita kirol lesioen tratamendua ere. Edozein herritar hurre-ra daiteke kirol etxera zerbitzua eskatzera, baina abonatuak merkeago izango dute.

Hainbat zerbitzu eskaintzen dituzte Udaleko Kirol Zerbitzuek kirol etxean, eta orain beste bat gaineratuko diete: masaje zerbitzua. Hitzordua eskatzeko kirol etxera deitu behar da.

MASAJEAK ETA ELEKTROTHERAPIA

Masajeak emateko zerbitzua dago aukeran kirol etxean. Kiroletako masajeak, terapeutikoak eta erlaxagarriak emango dituzte. Horiez gain, elektroterapia tratamendua eta kirol lesioen tratamendua eskainiko dituzte. Goienasport enpresa arduratuko da zerbitzua emateaz, eta Goretti Gonzalo arrasatearra da fisioterapeuta. "Jendeak eskatuta jarri dugu abian zerbitzua. Hala, zerbitzu osatua emango dugu eta gimnasia egitearekin batera lesioak tratatzeko eta masajeekin lasaitzeko



Gela berria egin dute kirol etxean masajeendako, eta egokitzen dabilta egunotan.

aukera eskainiko diegu kirol etxera datozenei", dio Bixen Calzon Goienasporteko arduradunak.

ORDUTEGIA ETA PREZIOAK

Masaje zerbitzua gura duenak hitzordua eskatu behar du aurrez. Horretarako kirol etxera deitu behar da 943 71 26 28 zenbakira

edo fisioterapia@goiena.com helbidera idatzi.

Edozeinek egin dezake eskatera, baina Kirol Zerbitzuetako abonatuak merkeago izango dute. 20 eta 45 minutuko saioak izango dira aukeran, eta saio bakarra edo bost saioko bonua eskaintzen dituzte.

Felix Recio jarraituko du entrenatzen preferenteko taldea

M.A.

Futbol jokalariek oporretan daude, baina ez elkarteko zuzendaritza taldekoak. Aretxabaleta Kirol Elkartea, UDA, datorren denboraldian pentsatzen hasita dago, nahiz eta zein jokalaria izango dituen zehaztu ez. Felix Recio entrenatzaileak jarraitu egingo du.

Jokalariek oporretan dauden bitartean UDAko zuzendaritza taldeko kideak lanean dabilta. Oraindik ez daukate zehaztuta tal-

dean zeintzuk izango diren, baina badakite entrenatzaileak jarraitu egingo duela, Felix Recio soraluzetarrak.

AGURRAK IZAN DAITEZKE

Uztailaren 4an egingo du bilera zuzendaritza batzordeak jokalaria eta entrenatzailearekin hurrengo denboraldia antolatzen hasteko. Orduan argituko dituzte jokariaren gaineko zalantzak. Aurten omenaldia jaso duten Erikok eta Kepa Azkuek seguru asko utzi egingo dute taldea, baina irail

arte izango dute pentsatzeko taldea. Horien hutsunea betetzeko, hala gertatuz gero, beste batzuk beharko dituzte preferenteko taldean eta gazteen taldeetan, eta dagoeneko UDAn jokatutako jokariengan pentsatu du zuzendaritzak. Hala ere, oraindik ez dute zehaztu zeintzuk izango diren. Hori bai, Felix Recio jarraituko du entrenatzaile lanetan. Soraluzetarrak otsailean hartu zuten taldearen ardura, zuzendaritzak Neka Galan ordezkatzea erabaki zuenean.

JAUSQRO OSTATUA

Durana kalea 18 1.ESK
ARETXABALETA

Tel.: 943 79 89 69
Sakelakoa: 656 74 81 61

Expres

Santakurtz 16
943 79 23 43

Mobiliario ARENAZA

- ALTZARIAK
- DISEINUA
- APAINKETA

Bizkaia 1 - Tel.: 943 79 08 07
ARETXABALETA

Jou Diaz

Harakina

Loramendi 1
Tel.: 943 79 71 69
20550 ARETXABALETA

Matikua jatetsxea

Azatza auzoa
ARETXABALETA
943 79 16 68


L. GONZALEZ

PINTURAK

Pintura orokorra eta enpapelatua

Araba ibilbidea 24, 3-D
ARETXABALETA
686 113 581 / 943 79 65 46

ATREBENTZIAEZPADA/ Jai batzordie Andramaixak gertaketan hasi da; zuk badauketzu proposamenik?



IKER MORAL
Ikasle



TZEITEL MARTIN
Langillie




INAXIO CORRES
Langillie



MARIA ISABEL LAPERAL
Langillie



UNAI GARCIA
Langillie



LOREA GABILONDO
Langillie eta ikasle

Ez naz urtero egoten, noixien behin bakarrik. Egixe esateko ez dakit zer eskatu... Kontziertuek bai, aretxabaletarrek jo daixiela; The Ruders taldiek, esate baterako.

Ez naz egoten hamen, baiñe ez dot uste fetxa txarrien dienik jaixok. Barraka edo ferixa gehixau jarriko neuke; neri postuek gustetan jat, eta halako gehixau etortie gureko nauke.

Egitaraue beti da oso antzekue. Umiendako gauza asko egoten da eta ondo dau, baiñe... Txosnetan izugarriko tablaue jarten daue gaba baterako; erabili daixiela gehixau.

Abuztuen ez da iñor egoten; hortan, irailera aldatuko neuke Andramaixak. Ni neu be askotan ez naz egon izen. Egitaraue gustetan jat, baiñe giro faltie somau izen dot beti.

Nik neuk irailera pasauko nauke jaixe; askoz be jente gehixau egongo gitzake eta giro hobie. Egitaraue bes-tela ondo dauela pentsetan dot, nagusixendako jarriko neuke gehixau.

Egitaraue urtero bardiñe izeten da, eta aldaketa batzuk sartie ondo legoke. Umiendako gauza asko egoten die; hortan, gaztiendako ekintzak inddertu biherko leukie.

TXALOAKETATXISTUAK



TXISTUAK ESERLEKUAK ZIKIN Gustura egoten dira herritarrek Durana kaleko eserlekuetan, haritzpean, batez ere orain, uda partean. Apur baten eserita egonez gero, baina, itsatsita geratzen dira arropak eserlekuan eta zikinduta ere bai batzuetan. Izan ere, ume asko ibiltzen da bertan. Lan handia ez bada behintzat garbitzaileen-dako, noizbehinka zapi busti bat pasatzea ez legoke gaizki. / M.A.

ORAINDELA3URTEARETXABALETAN

356 mendizale Murrukixoren II. Mendi Martxan

Murrukixo Mendizale Elkarteak antolatutako II. Mendi Martxan 356 lagun elkartu ziren, eta 28 kilometroko ibilbidea egin zuten. Debagoieneko mendizaleak izan ziren nagusi, baina kanpotarrak ere hurreratu ziren gurera. Lehen taldea 11:15ak inguruan itzuli zen herrira.



ASTEKODATUA

144

MUTIKOK JOKATU DUTE NAZIOARTEKO TXAPELKETA

Alebin mailako mutikoen Nazioarteko Futbol Txapelketa jokatu zuten joan zen asteburuan, 144k hain zuzen. Horietatik 12 Arizmendi ikastolakoak izan ziren, gainerakoak kanpokoak.

BESTEKEESANA

Nik esango nieke zer edozer sortzen edo sortu berri dutenei hurbiltzeko Enplegu Zerbitzura ordenantza eta arautegi propioak ditugu eta. Nik uste dut nahiko zabaldu dela egoera horretan egon daitezkeen pertsonengana: beste Enplegu Zerbitzu batzuetara zuzendu dugu, Garapen Agentziara, inguruko herrietako enplegu zerbitzuetara eta Inemen ere badute honen berri. Saiolanen ere ezagutzen dute gure programa, eta gero, gestoria eta aholkularitzetara zabaldu dugu. Hala ere beti egon daiteke norbait softe dabilena, eta hauengana iritsi gura dugu. Pasatu daitezela Udal Enplegu Zerbitzutik eta xehetasun guztiak emango dizkiogu: zein dokumentazio aurkeztu behar duen...

MARGA GARMENDIA
Arrasate Irratia/05-06-10

HERRITARRENBERBAK/ Arantxa Jaka



Hona hemen gaia

Oraingo honetan gaia, literalki, eskuetara heldu zait. Dela egun batzuk, arratsean, etxeko zelaitik zehar nindoala nire begiek zerbait bistaratu zuten, hurbildu, makurtu eta lurrean ikusi nuena jaso egin nuen: liburuxka bat. Izenburua hauxe: "¡Aquí hay tema! Trucos para ligar". Ez nekien ze sentitu. Gainera, edari zehatz batek babestutako liburuxka zen. Honekin batera, burura orain irakurtzen ari naizen liburua etorri zitzaidan: "Maita ezazu eta egin nahi duzuna". Biak mezu idatzia daukate eta norbaitek pentsa dezake, izenei begiratu, bien sena antzekoa izan daitekeela. Alde eder! Ez zait buruan kabitzen, komunikazioaren aroa deritzan honetan, supermerkatuan, igogailuan, lanean, ikastetxean, mendian... komunikazio arinena lortzeko ere trukuak eman behar izatea. Besteekin komunikatzea ligatzea dela esatea. Sinonimoak direlakoan!

Eta nork esan hori, eta edari marka batek. Zoritxarrez, dirua eta hitzak soberan dauzkagu eta ez dakizkigu nola gastatu, enplegat.

Gero esango dugu geure gizartean ikusten ari garen hainbat jokabide desegokiak direla, ez dakigula geure izateari zentzua emanez bizitzen, kultura maila eskasa dela, harreman sakonak zailak direla... Ez dut uste horrelako "liburuxkek" beste zerbaitean lagundu dezaketenik.

Horrelako gauzak ikusten ditudanean lotsa ematen dit gizarte honetako sentitzea; min hartzen dut nire gaurko gizarte honek horrelako gauzei hain erraz amore ematea; zentzu kritikoa, aberatsagoa ez edukitzea... Batzuek ahotsa ateratzeko indarrak ez miserian bizi direlako eta beste batzuek psikologiaren, soziologiaren... laguntza ordaintzen norbaiti keinu txiki bat nola egin esateko ere... Bakoitzak bere konklusioak atera ditzala.

"Komunikazioaren aroa deritzan honetan komunikazio arinena lortzeko ere trukuak behar izatea..."

Aretxagazeta

Durana 11
20550 ARETXABALETAKO
Tel.: 943 79 86 21
Faxa: 943 77 18 54
Posta-e: aretxagazeta@goiena.com

ZUZENDARIA
Mirari Altube

ERREDAKZIOA
Mirari Altube

MAKETAZIOA
Alex Azkarate

PUBLIZITATEA
Ziortza Martin

ZUZENTZAILEA
Sergio Azkarate

LEGE-GORDAILUA
55-378-94

ISSN
1134-2609

TIRADA
3.800 ale

ARETXAGAZETA / ZE BARRI? • Edizio honek erakunde hauen laguntza izan du:



Eusko Jaureritzako
Kultura Saila



Gipuzkoako
Foru Aldundia



Aretxabaletako
Udala



Eskoriatzako
Udala



Leintz Gatzagako
Udala